

162

68

CHANSONS POPULAIRES DU DIOCÈSE DE VANNES

KANEN MORISÈD

LAHET É MELRAN D'ER 25 A VIZ MAI, ÉR BLÉ 1727

1. Ouilamb, ouilamb ol get glahar,
É peb kanton zou ar en doar,
Ar en torfèt bras kommètet ;
É Melran, eskopti Guened.
2. É Melran, eskopti Guened,
Un torfèt zou bet kommètet,
Dré ur maleurus kemenér,
É Kevér ur verh ag é gér.
3. É hanü e oé Piér Guéganig,
Un dén dirol, kri ha lubrik,
Hi oé Morisèd Jaffredeu :
A Lokmaria e oent ou deu.
4. A houdé deu vlé trémenet
En hi goulenné eit pried ;
Méz, get eun a zispilj de Zoué,
Hé zad na hi ne gousanté.

II

5. En dé kent, a houiliad Bihui,
Ar en dro é tént, e m'en di ;
Piér Guéganig, get hardéhtéd,
E lar é chonj de Voriséd.

6. — « Moriséd, d'ein é larehèt,
« Ha hui em har pé ne hret ket ?
— « Piér Guéganig, ia sur m'hou kar
« A greiz mé halon me el lar.
7. Moriséd er geu e laré,
Er huéh ketan én hé buhé :
Eun hi doé ag er hemenér,
Ha hi e zoujé en danjér.
8. — « Morisédig, mar hem haret,
« Hui gousantou bout me fried ;
« Arhoah vitin, a pe saüein,
« D'hou koulen get hou tad é hein.
9. — « Dé mat, bôulom, e laran d'oh,
« Hou merh e houlenan get-n-oh.
— « Me merh n'hou pou ket,
« Na hui na kemenér erbet.
10. — « Méz chanjet e mès a vichér,
« Oueit on breman de vout krogér.
— « Ne vern péh michér huès choéjet
« Me merh Moriséd n'hou pou ket.

III

11. — « Moriséd, d'ein é larehèt,
« Mén é hei hiniü hou loned ?
— « Ne vinnan ket laret ur geu :
« Moneit e hreint d'en naü-erüeu.
12. — Ne bozent ket én naü-erüeu,
Hi ou hasas d'er pradigeu :
Arriü inou er hemenér,
Hag én é zorn é grog-pouizér.
13. — « Moriséd, laret hues d'ein mé,
« Ur geu é léh er huironé :
« E vehoh oueit d'en naü-erüeu,
« Hag é oh deit d'er pradigeu.
14. — « Ne mès chet laret d'oh ur geu,
« Rag bet on bet én naü-erüeu,
Ia, én naü-erüeu é on bet,
« Inou me seud ne bozent ket.

15. — « Moriséd, d'ein é larehèt,
 « Ha hui em har pé ne hret ket.
 « Ha hui em har pé ne hret ket,
 « Ha hui e ven bout me fried.
16. — « Pièr Guégan, n'hou tisprisan ket,
 « Méz, jamés ne vein hou pried ;
 « Eit laret d'oh er huirioné,^h
 « Hum hloestret e mès bet de Zoué.
17. — « Moriséd, hui e gousantou,
 « Pé, hemb truhé, mé hou lahou.
 — « Guèl é genein merüel mil guéh,
 Eit offansein men Doué ur huéh.
18. Er géh Moriséd de huélas
 É oé én un danjér ker bras,
 E bedas er Huerhiéz Vari
 De vout avocadéz eit-hi.
19. — « Intron Varia a huir sekour,
 « Doh hui é hloestran me inour,
 « Guierhiéz, o mam er Guerhiézed.
 « A lein en éan em sekouret.
20. Hi e grié a bouiz hé fen,
 Eit goulén sekour ha dihuen :
 Allas ! dén n'hellé hi hleuet,
 Rag ne oé tost de di erbet.
21. Hi e glaskas ridek d'er gér,
 Méz en torfétour é kolèr,
 Hi skoas bean get é bomellen,
 Dré hé halon ha dré hé fen.
22. Get en drived taul é koéhas,
 Én ur poulad goéd, ar hé fas,
 Há hi e zakoras de Zoué
 Hé inéan ker kèr el en dé.

IV

23. Hag dé zad e oé goumdeg,
 Én é zeüéh e Bragnoleg,
 Hag a dra sur né chonjé ket
 Ér maleur getou digoéhet.
24. Mès a pe arriüas ér gér,
 Ar dro kreisté pé uenneg-ér,
 Ean e gavas é vugalé
 Ér brasan ankin ha tristé.

25. — « Bugalé d'ein é larehèt,
« Perag é oh ken ankinet,
« Pérag é oh ken ankinet,
« Ha mén ma hou hoé Moriséd ?
26. — « Me zad, abret é houichèt
« Doéré a hun hoér Moriséd :
« É ma duhont ér pradigeu,
Ér goéd idan d'hi a houleu.
27. — « Bugalé, d'ein é larehèt
« Piü en dès lahet Moriséd ?
— « Piér Guéganig, un den kri,
« En dès hi lahet, e m'en di !
28. — « Arsa'n-ta, multrér miliget,
« Petra'n dès groeit d'id Moriséd,
« Petra'n dès groeit me merh d'is-té,
« Meit dihuen doh te falanté,
29. — Ne hel mui konz get er glahar,
Ar é fas é koéh ar en doar.
Ne oé nitra truhéusoh
Eit er hleuet é krial forh.

V

30. El mé ha Moriséd d'en doar,
Er goéd e zivér doh er har,
Hé zad arlerh é hirvoudal,
Ha kouh ha iouank é krial.
31. Er véleán, é léh kanein,
N'hellent ket miret a houilen,
Ha kri a galon vehé bet,
E neb n'en dehé ket ouilet.
32. É Melran, é kreiz er venéd,
É ma interret Moriséd,
Ur groéz e zou saüet ar hé bé.
Eit diskoein hé fidelité.
33. Ur groéz e zou saüet ar hé bé
Él léh mé kollas hé bué ;
Mar det de Gelhuen beniget,
Hui e huélou kroéz Moriséd.
34. Merhed iouank, ol cheleuet,
Skuir doh Moriséd keméret,
Ha guél é d'oh kol hou puhé,
Eit offansein en Etru Doué.